



PSALM 90


90




U was vir ons al - tyd 'n toe-vlug, He - re,




deur die ge - slag - te on-ge-tel-de ke - re.




U is van e - wig af, van lank te - vo - re,



toe was die ber - ge nog nie eers ge-bo - re.



Steeds was U daar, by wie ons skuil kan gaan,



U, God, van voor die wêreld se ont - staan.

2.

U sê: "Word stof," dan sterf
mens in 'n oogknip.

Vir U is duisend jaar
'n kleine tydstip,
soos gister wat haas
ongemerkt verbygaan,
snel soos 'n beurt van
nagtelike wagstaan.

Soos gras staan ons nog
soggens groen en hoog,
dan kwyn ons weg
en saans is ons verdroog.

3.

Ons gaan vanweë u gramskap,
God, te gronde.

U oog belig ons
weggesteekte sonde.


Ons jare vlieg daarheen
soos 'n gedagte.

Ons haal 'n kleine
sewentig of tagtig,
en dié is vol van
swaarkry en van leed
en is verby nog
voordat ons dit weet.


4




Wie ken u gram - skap be-ter as u die - naar?



Dit maak te meer die le-we vir hom kos - baar.




Laat, He - re, ons dan tog ons da - e af - tel,



ons le-wens - ja - re wat so gou ver - by - snel;



laat ons die tyd be - nut, Heer, leer ons dit,



dat ons 'n hart wat wys is, mag be - sit.

5.

Hoe lank nog, Here,
voor U ons te hulp kom?

Skenk ons u liefde
in sy volle rykdom.

Gee ons u liefde daagliks,
gee ons blydschap,
soveel as wat verduur is
van u gramskap.

So baie jare het
U ons laat ly;
laat gaan dan ons
verdrukking nou verby.

6.
U goedheid, Here,
gun dit vir u dienaar.
Maak duidelik u werke
vir ons sigbaar,
skerp ons dit in, Heer,
diep in ons gedagte
en wys u grootheid
vir ons nageslagte.
Dit wat ons kon bewerk
het met ons hand,
hou, Here, daardie werk
van ons in stand.